

Coll. Ron. de - Des. cas. instr. op. D. S. M. M. M.

SPHAERA

IOANNIS DE

SACROBVSTO.

*Addita sunt quaedam ad explanationem
eorum quae in Sphaera dicuntur
facientia.*



71-3-A-24



VENETIIS.

SPHÆRA

TO AN M.B.D.E.

JACOBO ASTO.

in the first degree of explanation

and the first degree of explanation

in the first degree




ALBERTUS

DE QVIEVSDAM PRINCIPIIS

Geometricis Supponendis

Quæ Sunt Addita.



In primis quædam videntur supponenda, & intelligenda ab eis, qui nesciunt geometricam disciplinam, quibus dicenda leuius capere possunt: & sunt quæ subscribimus & proximioribus nouitiorum gratia addidimus.


Punctus est quid indiuisibile, uel cuius non est aliqua pars, quæ uisu percipiatur.


Linea est longitudo sine latitudine, & profunditate: cuius extrema sunt duo puncta, si finita intelligatur.

Linea recta est breuissima, extensio ab uno puncto ad aliud.

Linea non recta, est quæ inter extrema curuatur.


Superficies est longitudo cum latitudine, profunditate carens, quæ linea, uel lineis terminatur.





Superficies, plana
est quæ tam secundum
longitudinem quàm se-
cundum latitudinem
breuissime extēditur.

Superficies nō pla-
na est quæ concaui-
tatem, uel conuexitatem
aliquam habet.



Angulus, est duarum linea-
rum contactus applicatione nō
directa.

Angulus rectilineus, est qui
fit ex duabus rectis lineis.

Angulus non rectilineus, est
cum altera linearum est non re-
cta.

Perpendi | cularis

Obliqua

Acutus.

Rectus

Angulus

obtusus

Parallele lineæ

Lineæ concurrentes

Cum linea recta super rectam lineam ceciderit, & causauerit ex utraque parte duos angulos æquales, quælibet earum dicitur perpendicularis, super alteram, atq; quilibet illorum angulorū rectus denominatur.

Item quicunq; angulus uni istorum similis, & æqualis fuerit, rectus erit, quamobrem omnes anguli rectilinei recto æquantur. Si uero linea recta rectæ lineæ occurrens causet ex lateribus angulos duos inæquales: quælibet illarum linearum dicitur obliqua, uel inclinata super alterā: & angulus maior, uocatur obtusus, minor, acutus. Quare omnis angulus rectilineus maior angulo recto, obtusus existit, et omnis minor recto, acutus.

Corpus est, quod longitudinem, latitudinem, et profunditatem habet.



Figura est, quæ termino, uel terminis clauditur. Nihil figuratur, nisi superficies, uel corpus.

Duæ lineæ rectæ non claudunt superficiem, ideo figuram non formant.

Duæ superficies rectæ similiter corpus non diffiniunt, neq; figuram.

Si sint duæ lineæ, uel superficies rectæ, & ex utraque parte productæ, quæ nunquam concurrant, æquidistantes appellantur.


Æquidistantia duorum, est quando omnes lineæ ab uno in aliud breuissime tense fuerunt æquales.



Circulus, est figura plana una linea contenta, quæ circumferentia, uel peripheria uocatur, in cuius medio punctus est, qui centrum circuli dicitur, à quo omnes rectæ lineæ usque ad circumferentiam ductæ, sunt æquales. Linea uero recta, quæ transit per centrum, & applicat extremitates suas circumferentiæ, semper diuidit circulū in duo media, ipsaq; appellatur diameter. Et quælibet illarum partū circuli semicirculus, atq; portio media circuli dicitur.

Quod si recta linea circumlum in duas partes secet in-

equales ipsa chorda nominatur, & pars circuli maior, portio maior, & pars circuli minor, portio minor, pars uero circumferentiae quaecumque fuerit, arcus uocatur, portio igitur circuli ex arcu, & chorda formatur.



Si duae rectae lineae a centro ad circumferentiam porrectae super centrum angulum faciant, partem circuli interclusam placuit nonnullis scindam circuli appellare. Ad uertendum quod frequenter est in usu, ut circumferentia pro circulo capiatur, quod artifices communiter obseruamus.

Et ita cum libuerit obseruemus.



Si ex tribus lineis superficies claudatur, fit figura trilatera, quae etiam trigonus, & triangulus dicitur: Si ex quattuor, quadrilatera, uel tetragonus: Si ex quinque, pentilatera: uel pentagonus, & reliquae similiter a numero laterum, uel angulorum denominantur, habet enim


unaquaeque figura plana tot latera, quot angulos, si fuerit habens latera, quoniam circulus non habet latera. Quod si habeat omnia latera aequalia, erunt omnes anguli ipsius sibi inuicem aequales.

lat. Sed econuerso non semper est, præcipue in quadrilatero longo atque rectangulo, Hic enim continet omnes angulos æquos, quoniam rectos, sed latera opposita tantum æqualia. Illa figura plana rectilinea dicenda est, quæ undiq; rectis lineis perficitur.



centrum sphaerae. Ex quo liquet sphaeram esse corpus rotundum, rotunditate perfecta apud geometras.

Polus



Polus

Sphaera est in corporibus figura prima, quemadmodum circulus in superficiebus, Sphaera secundum Theodosium, est figura corporea, una superficie contenta, intra quam punctus est, à quo omnes lineæ rectæ eductæ, quæ illi superficiei occurrunt, sunt inter se æquales, & ille punctus est

Linea recta, quæ tendit per centrum sphaerae, & ex utraque parte attingit superficiem eius, non est proprie dicenda diameter sphaerae, ut multi uocant, eo quod licet penetret per medium sphaerae ipsam per medium non diuidit. sed proprie uocatur Axis, maxime si ipsa fixa permanente circumuoluatur sphaera.

Duoq; puncta opposita in superficie sphaerae axem terminantia, poli dicuntur.

Omnis circulus, qui sphaeram secatur in duo media, diameter sphaerae appellari meretur, & circulus magnus sphaerae dicitur. & in eadem sphaera omnes circuli magni, sunt æquales, quoniam per centrum sphaerae transeunt, quare omnes tales sunt

concentrici: præterea omnes duo circuli magni in sphaera se per æqualia diuidunt.

Polus



Polus


æqualem mensuram. Si uero minor, unus eorum plus, & alter minus ab eadem æquidistabit.



Portio sphaerae, est quæ finitur à sectore, & parte superficiei sphaerae. Quæ quando existit medietas sphaerae, portio media, aut hemisphaerium nominatur. Sed si plus sit hemisphaerio, portio maior sphaerae. Et si minus: portio minor appellatur, ueluti de portioni

bus circuli dictum fuit.

Quando duo semicirculi circulorum maiorum sphaerae concurrunt super aliquam lineam rectam, quæ per centrum sphaerae procedit, formantes angulum, pars sphaerae intercepta, quæ ab illis duabus superficiebus, & parte superficiei sphaerae



terminantur, scinda sphaera
à multis uocatur.

Circuli paralleli in sphaera
dicuntur quorum idè axis
est, & unoquoq; orthogonaliter
secto, idè sunt poli. Ideoq;
paralleli nominantur. eo qd
omnes duo ipsorum a se inuicem
equaliter distant. Pars
deniq; superficiei sphaerae in
ter quoscunq; duos eorum ac-

cepta, zona nominatur. Circulus in sphaera inclinatus super
alium dicitur, cum non fuerit ei æquidistans, aut eum secuerit ad
angulos inæquales. Cum peripheriæ duorum circulorum æqua
les, uel inæquales in superficiei sphaerae taliter se secant, qd circa
punctum communis sectionis, omnes quatuor anguli causentur
æquales: quod non nisi ex circulis magnis fieri contingit: aut
ex una parte duo collaterales tantum, atque reliqui duo ex al
tera æquales facti sunt, quod accidere non solet, nisi ex in æ
qualibus peripherijs, tunc illi duo circuli se orthogonaliter se
care dicuntur. Et econuerso, si sint circumferentiæ, uel circu
li in sphaera orthogonaliter se secantes, oportet angulos fieri
æquales quos diximus. Et nominantur ipsi anguli quattuor
anguli recti sphaerales: cum omnes sibi inuicem pares fuerint.
Sed si solum anguli contra positi inueniantur æqualitatem ha
bere, uel nullus alteri æquetur, ipsi circuli, & eorum periphe
riæ obliquæ se secant, atque declinant ab inuicem, præterea om
nis circumferentia circuli siue magni, siue parui in sphaera, in
telligitur diuidi in æquas partes tercentas sexaginta, & qua-

libet earum uocatur gradus unus, quare cum didmeter circuli sit fere tertia pars longitudinis circumferentiae, qui non curauerunt de re praecise, statuerunt ipsam diametrum esse centum xx. graduum. Item omnis gradus in lx. partes aequales separatur, & unaquaeque minutum dicitur, omneque minutum in lx. partes similiter diuiditur. quarum quaelibet est unum secundum. Itaque deinceps diuidendo semper per lx. omne secundum in tertia. & omne tertium in quarta, & omne quartum in quinta, & omne quintum in sexta, & reliqua. Ex quibus patet non omnes gradus esse aequales, sed solum, qui sunt unius, uel aequalium circulorum, & maiorum, maiores, minorumque, minores existere. Orbis plerumque pro sphaera accipitur, & econuerso, unde frequenter terra, quae sphaerica est, per orbem significatur. ut orbis terrarum. Verum etsi sit omnis orbis Sphaera, non tamen omnis Sphaera est orbis. Orbis enim est sphaera, quae duabus terminatur superficiebus, una conuexa, & exterior, quae sphaerae est necessaria, altera interior, & concaua. Quod si sint ipsae duae superficies concentricae, habentes. scilicet unum centrum, erit ipse orbis uni-




formis, & aequae spissitudinis. Sed si earum sint duo centra, orbis deformis reperiur, in parte crassior, & in parte gracilior.

Annulus est quandoque ueluti ex orbe resectus. Est enim corpus rotundum, centrum habens, concauamque, & conuexam superficiem, ex quibus aliquando fit una, tunc enim an-

nulus superficie comprehenditur.

Sunt & alia figurae corporeae, & regulares: & earum, quae conuexum habent est pyramis rotunda, atq; columna.

Imaginatus est Euclides, qd sphaera causetur ex reuolutione semicirculi super diametrum suam firmiter permanentis: donec reuertatur ad locum a quo coepit circumduci.



Pyramis

Similiter si triangulus, rectilineus circumducitur completa reuolutione, stante uno ex lateribus, conus, siue pyramis figuratur rotunda: quae superficie conuexa ad cuspitem terminata: & circulo qui eiusdem basis dicitur, complectitur, de qua resecta cuspide, residuum curta pyramis nominatur.




Pariformiter quadrangulo rectangulo circumlato, formatur columna rotunda, uno ex lateribus longioribus permanente.



Tympanum uero, fixo manente latere breviori, hocq; modo si circumferatur alia figura plana, corpus ut in torno artifices faciunt, fieri contingit.

Sunt & figurae corporeae, quae rectis tantum superficiebus fiunt. & earum non est numerus. Vltimus ex quibus est Pyramis triangularis, quae quatuor triangulis clauditur. Et quae ex quatuor, & una quadranguli base, uel ex quinque triangulis, & base pentagona, & eiusmodi.

Quadrilaterum.



Trilatera.

Item & columna laterata, ut ex duobus triangulis, & tribus quadrilateris, quæ uocari solet corpus ferratile, ut ex sex quadrilateris superficiebus, quæ cum fuerint æqualia, atq; quadrata, reddunt corpus cubum. Est enim quadratum figura superficialis æqualium quattuor laterum, & quattuor rectorum angulorum.


PROEMIVM AVCTORIS.

TRACTATVM De sphaera quattuor capitulis distinguimus, Dicturi primo compositionem sphaeræ, quid sit sphaera, quid sit eius centrum, quid axis sphaeræ, quid sit polus mundi, quot sint sphaeræ, et quæ sit forma mundi. In secundo de circulis, ex quibus sphaera materialis componitur, & illa supercelestis (quæ per istam imaginamur) componi intelligitur. In tertio de ortu, & occasu signorum, & diuersitate dierum & noctium, quæ sit habitantibus in diuersis locis, & de diuisione climatum. In quarto de circulis, & motibus planetarum, & de causis eclipsium.

DE FINITIO SPHAERAE.

CAPVT. I.

Sphæra igitur ab Euclide sic describitur, Sphæra est transitus circumferentiæ dimidij circuli, quæ fixa diametro eo usque circumducitur, quousque ad locum suum redeat, idest sphæra est tale rotundum & solidum, quod describitur ab arcu semicirculi circumducto. Sphæra etiam à Theodosio sic describitur. Sphæra est solidum quoddam, una superficie contentum, in cuius medio punctus est, à quo omnes lineæ ductæ ad circumferentiam, sunt æquales. Et ille punctus dicitur centrum sphære. Linea uero recta transiens per centrum sphære, applicans extremitates suas ad circumferentiam ex utraque parte, dicitur axis sphære. Duo uero puncta axem terminantia dicuntur poli mundi.



SPHÆRAE DIVISIO.

Sphæra autem dupliciter diuiditur secundum substantiam, & secundum accidens. Secundum substantiam, in sphæras.

nouem, scilicet sphaeram, quæ primus motus, siue primum mobile dicitur, & in sphaeram stellarum fixarum, quæ firmamentum nuncupatur, & in septem sphaeras septem planetarum, quarum quædam sunt maiores, quædam minores, secundum quod plus accedunt, uel recedunt a firmamento. Vnde inter illas sphaeras, sphaera Saturni maxima est, sphaera uero Lunæ minima, prout in sequenti figura continentur.



Secundum accidens autem diuiditur in sphaeram rectam & sphaeram obliquam. illi enim dicuntur habere sphaeram rectam, qui manent sub æquinoctiali, si aliquis ibi manere possit. Et dicitur recta, quia neuter polorum magis altero illa

lis eleuatur, uel quia eorum horizon intersecat æquinoctialem, & intersecatur, ab eodẽ ad angulos rectos sphaerales. Illi uero dicuntur habere sphaeram obliquam quicunq; habitant citra æquinoctialem, uel ultra. Illis enim supra horizontem alter polorum semper eleuatur, reliquus uero semper deprimitur. Vel quoniam illorum horizon artificialis intersecat æquinoctialem, & intersecatur ab eodem ad angulos obliquos, & impares.



QVAE FORMA SIT MVNDI.

Vniuersalis autem mundi machina in duo diuiditur in ætheream scilicet, & elementarem regionem.

Elementaris quidem alterationi continuæ peruia existens in quatuor diuiditur. Est enim terra tanquam mundi centrum in medio omnium sita, circa quam aqua, circa aquam aer, circa aerem ignis illic purus, & non turbidus orbem lunæ attingens, ut ait Aristoteles in libro Metheororum. Sic enim ea disposuit deus gloriosus, & sublimis. Et hæc quattuor, elementa dicuntur, quæ uicissim à semetipsis alterantur, corrumpuntur, et regenerantur. Sunt autem elementa corpora simplicia, quæ in partes diuersarum formarum minime diuidi possunt, ex quorū commixtione

commixtione diuersæ generatorum species fiunt. Quorum
trium quodlibet terram orbiculariter undiq; circumdat, nisi
quantum siccitas terræ humori aquæ obsistit, ad uitam ani-
mantium tuendam. Omnia enim præter terram mobilia exis-
tunt, quæ ut centrum mundi ponderositate sui magnum extre-
morum motum, undiq; æqualiter fugiens, rotundæ spheræ me-
dium possidet.

Circa elementarem quidem regionem ætherea regio lucida
à uariatione omni, sua immutabili essentia, immunis existens, mo-
tu continuo circulariter incedit, & hæc a philosophis quinta
nūcupatur essentia. Cuius nouem sunt spheræ, sicut in proximo
pertractatum est, scilicet Lunæ, Mercurij, Veneris, Solis, Mar-
tis, Iouis, Saturni, stellarum fixarum, & cœli ultimi. Istarum au-
tem spherarū quælibet superior inferiorem spherice circūdat.

Quarum quidem duo sunt motus. Vnus est cœli ultimi super
duas axis extremitates, scilicet polum arcticū, & antarcticum,
ab oriente per occidentem iterum rediens in orientem, quem æ-
quinoctialis circulus per medium diuidit. Est etiam alius infe-
riorum spherarum motus, per obliquum huic oppositus, super
axes suos distantes a primis. 23. gradibus, et. 33. minntis. Sed
primus, omnes alias spheras secum impetu suo rapit intra diem
& noctem circa terram semel; illis tamen contra uitentibus. ut
octaua sphaera in centum annis gradu uno.

Hunc siquidem motum secundum diuidit per medium zodia-
cus, sub quo quilibet septem planetarum spheram habet pro-
priam, in qua desertur motu proprio contra cœli ultimi motū,
& in diuersis spatiis temporum ipsum metitur. ut Saturnus, in
30. annis. Iupiter in. 12. Mars in duobus. Soli in 365. diebus, &
6. horis fere. Venus, & Mercurius similiter. Luna uero in. 27.
diebus, & octo horis.


DE COELI REVOLVTIONE.

QUOD autem cœlum uoluatur ab Oriente in Occidentem signum est. Stella quæ oriuntur in Oriente semper eleuantur paulatim, & successiue quosq; in medium cœli ueniant. & sunt semper in eadem propinquitate & remotione ad inuicem, & ita semper se habentes tendunt in occasum continue & uniformiter. Est etiam aliud signum. Stella quæ sunt iuxta polum arcticum, quæ nunquam nobis occidunt mouentur conuue, & uniformiter, circa polum describendo circulos suos, & semper sunt in æquali distantia ad inuicem, & propinquitate. Vnde per istos duos motus continuos stellarum tam tendentium ad occasum, quàm non, patet quod firmamentum mouetur ab oriente in occidentem.

DE COELI ROTVNDITATE.

QUOD autem cœlum sit rotundum triplex est ratio, Similitudo, commoditas, & necessitas, similitudo, quoniam mundus sensibilis factus est ad similitudinem mundi archetypi, in quo non est principium neque finis. Vnde ad huius similitudinem mundus sensibilis habet formam rotundam in qua non est assignare principium neque finem. Commoditas, quia omnium corporum isoperimetrorum Sphæra maximum est: omnium etiam formarum rotunda capacissima est: quoniam igitur maximum & rotundum: ideo capacissimum, unde cum mundus omnia contineat, talis forma fuit illi utilis, & comoda. Necessitas: quoniam si mundus esset alterius formæ, quàm rotundæ, scilicet trilateræ, uel quadrilateræ sequerentur duo impossibilia, scilicet quod aliquis locus esset uacuus, &

corpus sine loco, quorum utrunq; est falsum, sicut patet in angulis eleuatis, & circumuolutis.



Item sicut dicit Alhbraganus, Si cœlum esset planum aliqua pars cœli esset nobis propinquior alia, illa scilicet quæ esset supra caput nostrum, igitur stella ibi existens esset nobis propinquior, quàm stella in ortu, uel occasu, sed quæ nobis propinquiora sunt maiora uidentur: ergo Sol uel alia stella existens in medio cœli maior deberet uideri, quam in ortu existens, uel in occasu cuius contrarium uidemus contingere, maior enim apparet Sol, uel alia stella existens in Oriente, uel Occidente, quàm in medio cœli. Sed cum rei ueritas ita non sit, huius apparentiæ causa est, quod in tempore hiemali, uel pluuiali, uapores quidam ascendunt inter aspectum nostrum & Solem, uel aliâ stellam, & cum illi uapores sint corpus diaphanum, disgregant radios nostros uisuales: ita quòd non comprehendunt rem in sua naturali, & uera quantitate. sicut patet de denario proiecto in fundum aquæ limpide, qui propter similem disgregationem radiorum apparet maioris, quam suæ ueræ, quantitatis.

Q V O D T E R R A S I T
R O T V N D A .

Quòd terra sit rotunda patet sic, signa & stellæ non æqualiter oriuntur, & occidunt omnibus hominibus ubiq; existentibus sed prius oriuntur, & occidunt illis, qui sunt uersus orientem. & quòd citius, & tardius oriuntur, & occidunt quibusdam, causa est tumor terræ, quod bene patet per ea, quæ fiunt in sublimi: Vna enim & eadem eclipsis Lunæ numero, quæ apparet nobis prima hora noctis apparet orientalibus circa horam noctis tertiam. Vnde constat quòd illis prius fuit nox, & sol prius eis occidit, quam nobis. Cuius rei causa est tantum tumor terræ.

Quòd etiam terra habeat tumorem à Septentrione in austrum, & e contrario, sic patet, hominibus existentibus uersus Septentrionem quædam stellæ sunt sempiternæ apparitionis, illæ, scilicet quæ propinque accedunt ad polum arcticum, aliæ autem sunt sempiternæ occultationis, sicut illæ quæ sunt propinquæ polo antarctico. Si igitur aliquis procederet à Septentrione uersus austrum, in tantum posset procedere, q, stellæ quæ prius erant ei sempiternæ apparitionis, ei iam tenderent in occasum, & quanto magis accederet ad austrum, tanto plus mouerentur in occasum. Ille iterum idem homo posset uidere stellas, quæ prius fuerunt ei sempiternæ occultationis, & e cōuerso cōtingeret alicui procedenti ab austro uersus septentrionem. Huius autem rei causa est tantum tumor terræ. Item si terra esset plana ab oriente in occidentem, tam cito oriuerentur stellæ occidentalibus, quàm orientalibus, quod patet esse falsum.

Item si terra esset plana à septentrione in austrum, & e contrario, stellæ quæ essent alicui sempiternæ apparitionis, semper apparerent ei quocunque procederet, quod falsum est, sed quòd plana sit, præ nimia eius quantitate, hominum uisui apparet.



QVOD AQVA SIT ROTVNDVDA.

Quòd aut aqua habeat tumorem, & accedat ad rotunditatē, sic patet. Ponatur signū in littore maris, & exeat navis a portu, & intantū elongetur, quòd oculus existēs iuxta pedē mali nō possit uidere signū: stante uero navi, oculus eiusdē existentis in summitate mali bene uidebit signū illud, sed oculus existētis iuxta pedē mali melius deberet uidere signū, quā qui est in summitate mali. sicut patet p lineas ductas ab utroq; ad signū, et nulla alia huius rei causa est, quā tumor aquæ. Excludantur. n. omnia alia impedimēta, sicut nebulae, et uapores ascēdētes. Itē cū aqua sit corpus homogeneū, totū cū partibus eiusdē erit rōnis, sed partes aquæ: sicut in guttulis, et roribus herbarū accidit: rotūdantē naturaliter appetunt formam, ergo & totum cuius sunt partes.



maior est, tota terra, sed ipsa stella respectu totius firmamenti est sicut punctus & centrum, multo igitur fortius terra est punctus respectu firmamenti cum sit minor ea.

DE IMMOBILITATE TERRAE.

Quod autem terra in medio omnium teneatur immobiliter, cum sit summe grauis, sic persuaderi uidetur. Omne graue naturaliter tendit ad centrum. Centrum quidem punctus est in medio firmamenti, terra igitur cum sit summe grauis, ad punctum illum naturaliter tendit.

Item quicquid à medio mouetur, uersus circumferentiam coeli ascendit, terra à medio mouetur, igitur ascendit, quod pro impossibile relinquitur.

DE QVANTITATE ABSOLVTA TERRAE.

Totius autem orbis terrae ambitus auctoritate Aurelij Theodosii Macrobi & Eratostenis philosophorum. 252000. stadia continere diffinitur, unicuique quidem. 360. Partium zodiaci 700. stadia deputando. Sumpto enim astrolabio, uel quadrante in stellatae noctis claritate, per utrumque mediclinij foramen polo perspecto, notetur graduum multitudo in qua steterit mediclinium, deinde procedat cosmimetra directe uersus septentrionem à meridie, donec in alterius noctis claritate, uiso ut prius polo, steterit altius uno gradu mediclinium. Post hoc mensuretur itineris spatium, & inuenientur. 700. stadia. Deinde datis unicuique. 360. gradum tot stadiis, terreni orbis ambitus inuentus erit.

Ex hijs autem iuxta circuli, et diametri regulam, Diameter terrae sic inueniri poterit, aufer uipessimam secundam partem de circuitu terrae, & remanentis tertia pars, hoc est, 80181. stadia, et semis, & tertia pars unius stadij. erit terreni orbis diameter, siue spissitudo.

CAPITVLVM SECVNDVM DE CIR-
culis ex quibus sphaera materialis componitur, et illa super
coelestis (quæ per istā representatur) cōponi intelligitur.

CIRCVLORVM DIVISIO.



HORVM autem circulo-
rum ex quibus sphaera
cōponitur, quidam sunt
maiores, quidā minores
ut sensui patet. Maior
.n. circulus in sphaera
dicitur, qui descriptus
in superficie sphaerae sup
eius cētrū, diuidit sphae-
rā in duō equalia. Mi-
nor uero, q̄ descriptus
in superficie sphaerae, eam

nō diuidit in duo equalia, sed in portiones inæquales. Inter cir-
culos uero maiores, primo dicendum est de æquinoctiali.

DE AEQVINOCTIALI CIRCULO.

Est igitur æquinoctialis, circulus quidam diuidens sphaeram
in duo equalia secundum quamlibet sui partem, æquedistans
ab utroque polo. Et dicitur æquinoctialis, quoniam quando
sol transit per illum (quod est bis in anno, in principio arietis
scilicet, & in principio libræ) est æquinoctium in uniuersa ter-
ra. Vnde etiam appellatur æquator diei, & noctis, quia adæ-
quat diem artificialem nocti. Et dicitur cingulus primi mo-
tus. Vnde sciendum, quod primus motus est motus primi mo-
bilis: hoc est nonæ sphaerae, siue cœli ultimi, qui est ab ori ente

per occidentem, rediens iterum in orientē, qui etiam dicitur motus rationalis, ad similitudinem motus rationis qui est in microcosmo, idest in homine, scilicet quādo fit cōsideratio à creatore per creaturas in creatorem ibi sistendo. Secundus motus est firmamenti & planetarū cōtrarius huic, ab occidente per orientē, iterum rediens in occidentē, qui motus dicitur irrationalis, siue sensualis, ad similitudinem motus microcosmi, qui est à corruptibilibus ad creatorem, iterum rediens ad corruptibilia. Dicitur ergo cingulus primi motus, quia cingit siue diuidit primū mobile, scilicet sphaeram nonam, in duo equalia: æquidistans a polis mundi. Vnde notandū q̄ polus mūdi, qui nobis semper apparet dicitur polus septentrionalis, arcticus, uel borealis.

Polus mundi



Polus mundi

Septētrionalis dicitur a septētrione hoc est, à minori ur̄sa, quæ dicitur à septē et triō, q̄ est bos: quia septem stellæ, quæ sunt in ur̄sa tardæ mouentur ad modum bouis, cum sint propinquæ polo. Vel dicuntur illæ septē stellæ septentriones, quasi septē triones, eo quod terunt partes circa polum. Arcticus quidē dicitur ab æg-

rotæ quod est ur̄sa. Est enim iuxta minorem Vrsam. Borealis uero dicitur, quia est in illa parte à qua uenit boreas, Polus uero oppositus, dicitur antarcticus, quasi contra arcticum positus.

Dicitur & meridionalis, quia ex parte meridiei. Dicitur etiam australis, quia est in illa parte à qua uenit auster. Ista igitur duo puncta in firmamento stabilia, dicuntur poli mundi, quia sphaera axem terminant, & ad illos uoluitur mundus, quorum unus semper nobis apparet, reliquus uero semper occultatur. Vnde Virgilius in primo Georgi.

Hic uertex nobis semper sublimis, At illum.

Sub pedibus stix atra uidet, manesq; profundi.

DE ZODIACO CIRCVLO.

Est alius circulus in sphaera, qui intersecat æquinoctialem, et intersecatur ab eodem in duas partes æquales, & una eius medietas declinat uersus septentrionem, alia uersus austrum. Et dicitur iste circulus zodiacus à ζωὴν, quod est uita, quia secundum motum planetarum sub illo, est omnis uita in rebus inferioribus. Vel dicitur à ζῷον, quod est animal, quia cū diuiditur in 12. partes æquales, quaelibet pars appellatur signum, & nomen habet speciale à nomine alicuius animalis propter proprietatem aliquam conuenientem tam ipsi, quàm animali. Vel propter dispositionem stellarum fixarum in illis partibus ad modum huiusmodi animalium. Iste uero circulus, latine dicitur signifer, quia fert signa, uel quia diuiditur in ea. Ab Aristotele uero in libro de generatione, & corruptione, dicitur circulus obliquus, ubi dicit quod secundum accessum, & recessum solis in circulo obliquo sunt generationes, & corruptiones in rebus inferioribus. Nomina autem signorum, ordinatio, & numerus, in his patent uersibus.

Sunt Aries, Taurus, Gemini, Cancer, Leo, Virgo.

Libraq; Scorpius, Arcitenens, Capre, Amphora, Pisces.

Quodlibet autem signum diuiditur in 30. gradus. Vnde patet quod in toto zodiaco sunt. 360. gradus. Secundum autem astro-

nomos iterum quilibet gradus diuiditur in .60. minuta. Quodlibet minutum in .60. secunda. Quodlibet secundum in .60. tertia, & sic deinceps usq; ad decem. Et sicut diuiditur zodiacus ab astronomo, ita & quilibet circulus in sphaera, siue maior, siue minor in partes consimiles.

Cum omnis etiam circulus in sphaera praeter zodiacum intelligatur sicut linea, uel circumferentia, solus zodiacus intelligitur, ut superficies, habens in latitudine sua duodecim gradus de cuiusmodi gradibus iam locuti sumus. Vnde patet quod quidam mentiuntur in Astrologia, dicentes signa esse quadrata, nisi abutentes nomine idem appellent quadratum, & quadrangulum. Signum enim habet gradus .30. in longitudine. 12. uero in latitudine.



Linea autem diuidens zodiacum in circuitu, ita quod ex una parte sui relinquat sex gradus, & ex alia parte alios sex, dicitur linea ecliptica, quoniam quando Sol, & Luna sunt linealiter sub illa, contingit eclipsis Solis aut Lune. Solis, ut si fiat nouiluniū, & Luna interponatur recte inter aspectus no-

stros, & corpus solare. Lunæ, ut in plenilunio, quando Sol Lunæ opponitur diametraliter. Vnde eclipsis Lunæ nihil aliud est q̃

interpositio terræ inter corpus Solis, & Lunæ. Sol quidē semper decurrit sub ecliptica, oēs uero alij planete declināt, uel uersus septentrionē, uel uersus austrū, quādoq; aut sunt sub ecliptica. Pars uero zodiaci, quæ declinat ab æquinoctiali uersus septentrionē dicitur septētrionalis, uel borealis, uel arctica. Et illa sex signa quæ sunt à principio arietis usq; ad finē uirginis, dicuntur signa septētrionalia, uel borealia. Alia pars zodiaci, quæ declinat ab æquinoctiali uersus meridiē, dicitur meridionalis, uel australis, uel antarctica. Et sex signa quæ sunt à principio libræ usq; in finem piscium, dicuntur meridionalia, uel australia.

Cum aut dicitur quod in ariete est sol, uel in alio signo: sciendū quod hæc præpositio in sumitur pro sub: secundū quod nunc accipimus signum. In alia aut significatione dicitur signum pyramis quadrilatera, cuius basis est illa superficies quā appellamus signū: uertex uero eius est in centro terræ. Et secundū hoc proprie loquēdo possumus dicere planetas esse insignis. Tertio modo dicitur signum, ut intelligantur sex circuli transeūtes per polos zodiaci, & per principia. 12. signorum. illi sex circuli diuidunt totam superficiem spheræ in. 12. partes, latas in me-

dio, arctiones uero iuxta polos zodiaci, quælibet pars talis dicitur signum, & nomen habet speciale à nomine illius signi quod intercipitur inter suas duas lineas. Et secundum hanc acceptionem stellæ, quæ sunt iuxta polos extra zodiacum dicuntur esse insignis.

Item intelligatur corpus quoddam cuius basis sit si-



gnum, secundum quod nunc ultimo accipimus signum, acumen uero eius sit super axe zodiaci. Tale igitur corpus in quarta significatione dicitur signum, secundum quam acceptionem totus mundus diuiditur in .22. partes æquales, quæ dicuntur signa, et sic quicquid est in mundo, est in aliquo signo.

DE DVOBVS COLVRIS.

Sunt autem alij duo circuli maiores in sphaera, qui dicuntur coluri, quorum officium est distinguere solstitia, et æquinoctia. Dicitur aut colurus a κολων græce quod est mētrum, et οὔρος, quod est bos siluester, quia quemadmodum cauda bouis siluestris erecta, quæ est eius membrum, facit semicirculum, et non perfectū circulū. ita colurus semper apparet nobis imperfectus, quoniam solū una eius medietas apparet, alia uero nobis occultatur.

Colurus igitur distinguens solstitia transit per polos mundi, per polos zodiaci, et maximas Solis declinationes, hoc est per primos gradus Cæcri, et Capricorni. Vnde primus punctus Cæcri ubi colurus iste interfecat zodiacū, dicitur punctus solsticij æstiuales quia quando Sol est in eo, est solsticiū æstiuale, et non potest Sol magis accedere ad zenith capitis nostri. Est autem ze-

nith punctus in firmamento directè suprapositus capitibus nostris. Arcus uero coluri qui intercipitur inter punctum solsticij æstiuales, et æquinoctialem, appellatur maxima Solis declinatio. Et est secundum Ptolemaeum. 23. graduum, et 51. minutorum. Secundum Almagestum uero. 23. graduum. 33. minutorum. Similiter primus



punctus Capricorni: ubi idem colurus ex alia parte interfecat
zodiacum, dicitur punctus solsticij hiemalis, & arcus coluri in-
terceptus inter punctum illum, & æquinoctialem, dicitur alia
maxima solis declinatio, & est æqualis priori. Alter quidem co-
lurus transit per polos mundi, & per prima puncta Arietis &
Libræ. ubi sunt duo æquinoctia, unde appellatur colurus distin-
guens æquinoctia, isti autem duo coluri interfecant sese super po-
los mundi ad angulos rectos sphaerales. Signa quidem solstitio-
rum, & æquinoctiorum patent his uersibus.

Hæ duo solstitia faciunt, Cancer, Capricornus.

Sed noctes æquant Aries, & Libra diebus.

DE MERIDIANO, ET HORIZONTE.

Sunt iterum duo alij circuli maiores in sphaera, scilicet meri-
dianus, & horizon. Est autem meridianus circulus quidam
transiens per polos mundi, & per zenith capitis nostri. Et dicitur
meridianus, quia ubicunq; sit homo, & in quocunq; tempo-
re anni, quanto Sol motu firmamenti peruenit ad suum meridia-
num, & est illi merides. Consimili ratione dicitur circulus medij
diei. Et notandum quod ciuitates, quarum una magis accedit ad
orientem quam alia, habent diuersos meridianos. Arcus uero
æquinoctialis interceptus inter duos meridianos, dicitur longi-
tudo ciuitatum. Si autem duæ ciuitates eundem habeant meridia-
num, tunc æqualiter distant ab oriente, & occidente.

Horizon uero est circulus diuidens inferius hemisphaerium à
superiori, unde appellatur horizon. i. terminator uisus. Dicitur
et horizon circulus hemisphaerij, eadē de causa. Est aut duplex
horizō, rectus, & obliquus, siue decliuis. Rectū horizonem, &
sphaeram rectā habet illi quorū zenith est in æquinoctiali, quia
illorum horizon est circulus transiens per polos mundi, diuidens

æquinoctialem ad angulos rectos sphaerales. Vnde dicitur horizon rectus & sphaera recta. Obliquum horizontem, siue declinem, habent illi quibus polus mundi eleuatur supra horizontem quoniam illorum horizon intersecat æquinoctialem ad angulos impares, & obliquos. Vnde dicitur horizon obliquus, & sphaera obliqua, siue declinis. Zenith autem capitis nostri semper est polus horizonis. Vnde ex his



patet quod quanta est eleuatio poli mundi supra horizontem, tanta est distantia zenith ab æquinoctiali, quod sic patet. Cum in quolibet die naturali uterq; colurus bis iungatur meridiano, siue idem sit quod meridianus, quicquid de uno probatur, & de reliquo. Sumatur igitur quarta

pars coluri distinguentis solsticia, quæ est ab æquinoctiali usq; ad polum mundi. Sumatur iterum quarta pars eiusdem coluri, quæ est à zenith usq; ad horizontem, cum zenith sit polus horizonis. Iste duæ quartæ cū sint quartæ eiusdem circuli inter se sunt æquales: sed si ab æqualibus æqualia demantur, uel idem commune, residua erunt æqualia. Dempto igitur communi arcu. scilicet quod est inter zenith, & polum mundi, residua erunt æqualia. scilicet eleuatio poli mundi supra horizontem, & distantia zenith ab æquinoctiali.

DE QVATVOR CIRCVLIS MINORIBVS.

Dicto de sex circulis maioribus, dicendum est de quattuor minoribus. Notandum igitur qd Sol existens in primo puncto cætri, siue in puncto solsticij æstiuales, raptu firmamenti describit

quendam circulum, qui ultimo descriptus est à Sole ex parte poli arctici. Vnde appellatur circulus solsticij æstivalis ratione superius dicta uel tropicus æstivalis, a τροπή quod est conuersio, quia tunc Sol incipit se conuertere ad inferius hemisphaerium & recedere à nobis. Sol iterum existens in primo puncto capricorni siue solstitij hiemalis, raptu firmamenti describit, quendam circulum, qui ultimo describitur à Sole ex parte poli antarctici. Vnde appellatur circulus solstitij hiemalis, siue tropicus hiemalis, quia tunc Sol conuertitur ad nos.

Cum autem Zodiacus declinet ab æquinoctiali, & polus zodiaci declinabit a polo mundi. Cum igitur moueatur octaua sphaera, & Zodiacus qui est pars octauæ sphaeræ mouebitur circa axem mundi, & polus zodiaci mouebitur circa polum mundi. Iste igitur circulus quem describit polus zodiaci circa polum mundi arcticum, dicitur circulus arcticus. Ille uero circulus quem



describit alter polus zodiaci circa polū mundi antarcticum, dicitur circulus antarcticus.

Quanta est etiam maxima Solis declinatio, scilicet ab æquinoctiali, tanta est distantia poli mundi ad polum zodiaci, quod sic patet. Sumatur colurus distinguens solstitia, qui transit per polos mundi & per polos zodiaci, cum igitur omnes quartæ unius, & eiusdem circuli inter se sint æquales, quarta huius coluri, quæ est ab æquinoctiali usque ad polum mundi erit æqualis quartæ eiusdem

eiusdem coluri, quæ est a primo puncto Cancrī, usq; ad polum zodiaci, igitur ab illis æqualibus, dempto communi arcu, qui est à primo puncto Cancrī usq; ad polum mundi residua erunt æqualia, scilicet maxima solis declinatio, & distantia poli mundi ad polum zodiaci. Cum autem circulus arcticus secundum quamlibet sui partem, æquidistet à polo mundi, patet quod illa pars coluri, quæ est inter primum punctum cancrī, & circulum arcticum, fere est dupla ad maximam solis declinationem, siue ad arcum eiusdem coluri, qui intercipitur inter circulum arcticum, & polum mundi arcticum qui etiam arcus æqualis est maxime solis declinationi. Cum enim colurus iste sicut alij circuli in sphaera sit, 360. gradum, quarta eius erit 90. graduum. Cum igitur maxima solis declinatio secundum Ptolomæum sit. 23. graduum, et 52. minutorum, & totidem graduum sit arcus, qui est inter circulum arcticum & polum mundi arcticum, si ista duo simul iuncta, quæ fere faciunt. 48. gradus, subtrahantur a. 90. residuum erunt 42. gradus, quantus est arcus coluri, qui est inter primum punctum Cancrī & circulum arcticum, & sic patet q̄ ille arcus fere duplus est ad maximam solis declinationem.

DE QVINQUE ZONIS.

AEQVINOCTIALIS cum quatuor circulis minoribus dicuntur quinq; paralleli quasi æquidistantes, non quia quantum primus distat à secundo, tantum secundus distet a tertio, quia hoc falsum est, sicut iam patuit, sed quia quilibet duo circuli simul iuncti secundum quamlibet sui partem æquidistant ab inuicem, & dicuntur parallelus æquinoc̃tialis, parallelus solsticij æstiuālis, parallelus solsticij hiemālis, parallelus arcticus, & parallelus antarcticus. Notandum etiam quod quatuor paralleli minores, scilicet duo tropici, & parallelus arcticus & parallelus antarcticus, distinguunt in cælo, quinq; zonas, siue regiones. Vnde Vir. in Geor.

Quinq; tenent cœlum zone quarum una corusco.
 Semper sole rubens, & torrida semper ab igni.
 Quam circum extremæ dextra leuâq; trabuntur.
 Cœrulea glacie concretæ, atq; imbribus atris:
 Has inter mediâq; duæ, mortalibus ægris
 Munere concessæ diuum, & uia selecta per ambas
 Obliquus qua se signorum uerteret ordo.
 Distinguuntur etiâ totidem plagæ in terra directæ prædictis zo-
 nis suppositæ, Vnde Ouid. primo Metamorphoseos.
 Totidemq; plagæ tellure premuntur.
 Quarum, quæ media est, non est habitabilis æstu,
 Nix tegit alta duas, totidem inter utraq; locauit.
 Temperiemq; dedit mixta cum frigore flamma.

Illa igitur zona quæ est inter duos tropicos, dicitur inha-
 bitabilis, propter calorem solis discurrentis semper inter tropi-
 cos. Similiter plaga terræ illi directæ supposita dicitur inha-
 bitabilis, propter calorem solis discurrentis super illam. Illæ
 uero duæ zone quæ circumscribuntur a circulo arctico, &



circulo antarcti-
 co, circa polos
 mundi, inhabitabi-
 les sunt pp nimis-
 am frigiditatem,
 quia sol ab eis ma-
 xime remouetur.
 Similiter intelli-
 gendum est de pla-
 gis terræ illi dis-
 recte suppositis.

Illæ autē duæ zo-

ne quarum una est inter tropicum æstiualem, & circulum arcticum, & reliqua quæ est inter tropicum hiemalem, & circulum antarcticum, habitabiles sunt, & temperatæ caliditate torridæ zonæ existentis inter tropicos, & frigiditate zonarum extremarum, quæ sunt circa polos mundi. Idem intellige de palgis terræ illis directe suppositis.

CAPITVLVM TERTIVM DE ORTV,

& occasu signorum, de diuersitate dierum, & notitium, & de diuisione climatum.

Signorum autem ortus, & occasus dupliciter accipitur, quoniam quantum ad poetas, & quantum ad astronomos. Est igitur ortus & occasus signorum quo ad poetas triplex scilicet Cosmicus, Chronicus & Heliacus.

Cosmicus enim ortus, siue mondanus est quando signum, uel stella, supra horizontem ex parte orientis de die ascendit. Et licet in qualibet die artificiali sex signa sic oriantur, tamen astronomasice signum illud dicitur cosmice oriri, cū quo, & in quo sol mane oritur. Et hic ortus proprius, & principalis & quotidianus dicitur. De hoc ortu exemplum in Georgicis habetur, ubi docetur satio fabarum, & milij, in uere, sole existente in Tauro Candidus auratis aperit cum cornibus annum (sic) Taurus & aduerso cedens canis occidit astro.

Occasus uero cosmicus est respectu oppositionis, scilicet quando sol oritur cum aliquo signo, cuius signi oppositum occidit cosmice. De hoc occasu dicitur in Georgicis ubi docetur satio frumenti in fine autumnii, sole existente in Scorpione, qui cum oriatur cum sole, Taurus signi eius oppositum ubi sunt pleiadas occidit. Ante tibi Eoæ Atlantides abscondantur (sic) Debita, quam sulcis committas semina.

Chronicus ortus, siue tēporalis est, quando signum, uel stella post solis occasum, supra horizonem ex parte orientis emergit, chronice scilicet de nocte. Et dicitur tēporalis, quia tempus mathematicorum nascitur cum solis occasu. De hoc ortu habemus in Ouidio Ponto ubi conqueritur moram exiliij sui dicens.

Vt careo uobis scythicas detrusus in oras

Quatuor autumnos pleias orta facit.

Significans per quatuor Autumnos, quatuor annos transisse postquam missus erat in exilium. Sed Virgilius uoluit in autumnus pleiadas occidere, ergo contrarij uidentur. Sed ratio huius est, quod secundum Virgilium occidunt cosmice, secundum Ouidium oriuntur chronice, quod bene potest contingere eodem die, sed differenter tamen: quia cosmicus occasus est, respectu temporis matutini. Chronicus uero ortus, respectu uestertini. Chronicus occasus est respectu oppositionis. Vnde Lucanus sic inquit.

Nam Sol ledæa tenebat

Sidera, uicino cum lux altissima Cancro.

Tum nox thesalicas urgebat parua sagittas.

Heliacus ortus, siue solaris, est quando signum, uel stella uideri potest per elongationem solis ab illo, quod prius uideri non poterat solis propinquitate.



Exemplum huius ponit Ouid. in lib. de Fastis sic. Iam leuis obliqua subsedit Aquarius urna.

Et Virgilius in Georgicis Gno siq; ardentis decedat stella corne.

Quæ iuxta Scorpionem exi-

stans non uidebatur, dum sol erat in Scorpione. Occasus Helia-
cus est quando sol ad signum accedit, & illud sua præsencia &
luminositate uideri non permittit.

DE ORTV ET OCCASV SIGNORVM

Secundum Astrologos.

Sequitur de ortu & occasu signorum pro ut sumunt Astro-
nomi, & prius in sphaera recta. Sciendum est quod tam in sphae-
ra recta, quàm obliqua, ascendit æquinoctialis circulus semper
uniformiter, scilicet in temporibus æqualibus æquales arcus
ascendunt. Motus enim cœli uniformis est, & angulus quem fa-
cit æquinoctialis cum horizonte obliquo non diuersificatur in
aliquibus horis. Partes uero zodiaci non de necessitate habent
æquales ascensiones in utraq; sphaera, quia quanto aliqua zodi-
aci pars rectius oritur, tanto plus tēporis ponitur in suo or-
tu. Huius signum est, quia sex signa oriuntur in longa uel in
breui die artificiali, similiter & in nocte.

Notandum igitur, quod ortus, uel occasus alicuius signi nihil
aliud est quam illam partem æquinoctialis oriri, quæ oritur
cum illo signo oriente, uel ascendente supra horizontem, uel il-



lam partem æquinoctialis
occidere, quæ occidit cum al-
tero signo occidente, id est
tendente ad occasum sub ho-
rizonte. Signum autem re-
cte oriri dicitur cū quo ma-
ior pars æquinoctialis ori-
tur, oblique uero, cum qua
minor. Similiter etiam intel-
legendum est de occasu.

DE ORTV ET OCCASV

signorum in sphaera recta.

Et est sciendum quod in sphaera recta, quarta zodiaci inchoata à quatuor punctis, duobus scilicet solsticialibus, & duobus æquinoctialibus adæquantur suis ascensionibus, id est quantum temporis consumit quarta zodiaci in suo ortu, in tanto tempore quarta æquinoctialis illi conterminalis peroritur. Sed tamen partes illarum quartarum uariantur, neq; habent æquales ascensiones. sicut iam patebit. Est enim regula, quilibet duo arcus zodiaci æquales, & æqualiter distantes ab aliquo quatuor punctorum iam dictorum, æquales habent ascensiones, & ex hoc sequitur quòd signa opposita æquales habent ascensiones, & hoc est quod dicit Lucanus loquens de processu Catonis in Lybiam uersus æquinoctialem.

Non obliqua meant nec Tauro rectior exit,
Scorpius, aut Aries donat sua tempora Libræ,
Aut Astra iubet lentos descendere Pisces,
Pars geminis Chiron, & idem quòd Carcinus ardens.
Humidus egoceros, nec plus Leo tollitur urna.

Hic dicit Lucanus, quod existentibus sub æquinoctiali, signa opposita æquales habent ascensiones, & occasum. Oppositio autem signorum habetur per hunc uersum. Est. Lib. Ari. Scorp. Tau. Sag. Ge. Cap. Can. Aqu. Leo. Pis. Vir. Et est Notandũ q, nō ualet talis argumentatio. Isti duo arcus sunt æquales, & simul incipiunt oriri, & semper maior pars oritur de uno, quàm de reliquo, ergo ille arcus citius peroritur. cuius maior pars semper oriebatur. Instantia huius argumentationis manifesta est in partibus predictarũ quartarũ. Si. n. sumatur quarta pars zodiaci q̄ est à principio Ariet. usq; ad finẽ Geminorũ semp maior pars oritur de quarta zodiaci, quàm de quarta æquinoctialis sibi

conterminali: & tamen illæ duæ quartæ simul peroriuntur. Idē
intellige de quarta zodiaci, quæ est à principio Libræ usq; in
finē Sagittarij. Itē si sumatur quarta zodiaci, quæ est à princi-
pio Cæcri usq; in finē Virginis, semp maior pars oritur de quar-
ta æquinoctialis q̄ de quarta zodiaci illi cōterminali: & tamen
illæ duæ quartæ simul peroriuntur. Idē intellige de quarta zo-
diaci, quæ est à primo puncto Capricorni usq; in finem Piscium.

DE ORTV ET OCCASV SIGNO-

rum in sphaera obliqua.

In sphaera autem obliqua siue declivi, duæ medietates zo-
diaci adæquantur suis ascensionibus. Medietates dico, quæ su-
muntur à duobus punctis æquinoctialibus, quia medietas zodia-
ci, quæ est à principio Arietis usq; in finem Virginis, oritur cō-
medietate æquinoctialis sibi conterminali. Similiter alia me-
dietas zodiaci oritur cū reliqua medietate æquinoctialis. Para-
tes autem illarum medietatum uariantur secundum suas ascen-
siones: quoniam in illa medietate zodiaci, quæ est à principio
Arietis usque ad finem Virginis, semper maior pars oritur de
zodiaco quam de æquinoctiali, & tamen illæ medietates simul
peroriuntur. Econuerso contingit in reliqua medietate zodiaci
quæ est à principio Libræ usq; ad finem Piscium. Semper enim
maior pars oritur de æquinoctiali, quam de zodiaco, & tamen
illæ medietates simul peroriuntur. Vnde hic patet instantia. fa-
cta manifestior contra argumentationem superius dictam.

DE COMPARATIONE ORTVS

signorum in sphaera obliqua ad rectam.

Arcus autem qui succedunt Arieti usque ad finem Virginis
in sphaera obliqua, minuunt ascensiones suas supra ascensiones
eorundum arcuum in sphaera recta, quia minus oritur de æqui-
noctiali, Et arcus qui succedunt Libræ usq; ad finē Piscium in-



sphæra obliqua, augent ascensiones eorundem arcuum in sphæra recta, quia plus oritur de æquinoctiali.

Augent dico secundum tantam quantitatem, in quanta arcus succedentes arieti minuunt. Ex hoc patet quod duo arcus æquales, & oppositi in sphæra declinui, habent ascensiones suas iunctas, æquales ascensionibus

eorundem arcuum in sphæra recta simul sumptis, quia quanta est diminutio ex una parte, tanta est additio ex altera. Licet. n. arcus inter se sint inæquales, tamen quantum unus minor est tantum recuperat alius: & sic patet adæquatio. Regula quidem est in sphæra obliqua, quod quilibet duo arcus zodiaci æquales, & æqualiter distantes ab alterutro punctorum æquinoctialium, æquales habent ascensiones.

Ex prædictis etiam patet, quod dies naturales sunt inæquales.

Est enim dies naturalis reuolutio æquinoctialis circa terram semel, cum tanta zodiaci parte quanta iterum Sol pertransit motu proprio contra firmamentum. Sed cum ascensiones illorum arcuum sint inæquales, ut patet per prædicta, tam in sphæra recta, quam in obliqua, & penes additamenta illarum ascensionum considerentur dies naturales, illi de necessitate erunt inæquales. In sphæra recta, propter unicam causam, scilicet propter obliquitatem zodiaci. In sphæra uero obliqua: propter duas causas, scilicet propter obliquitatem zodiaci, & obliquitatem horizontis obliqui. Tertia solet assignari causa, eccentritas circuli Solis.

DE DIVERSITATE DIERVM

ac noctium artificialium in gener ali.

Notandum etiam q̄ Sol tendens à primo puncto Capricorni per Arietem usq; ad primum punctum Cancrī, raptu firmamenti describit: 18: parallellos, qui etiam paralleli, et si non omnia sint circuli, sed spiræ, cum tamen non sit in hoc error sensibilibus, in hoc uis non constituatur, si circuli appellerentur. De numero quorum circulorum sunt duo tropici, & unus æquinoc̄tialis.




Item iam dictos circulos describit Sol raptu firmamenti, descendens à primo puncto Cancrī per Libram usque ad primum punctum Capricorni. Et isti circuli dierum naturalium circuli appellantur. arcus autem qui sunt supra horizontem sunt arcus dierum artificialium. Arcus uero qui sunt sub

horizonte sunt arcus noctium artificialium.

In sphaera igitur recta cum horizon sphaeræ rectæ trāscat per polos mundi, diuidit omnes circulos istos in partes æquales. Vnde tanti sunt arcus dierum, quanti sunt arcus noctium apud existētes sub æquinoc̄tiali. Vnde patet, q̄ existētibus sub æquinoc̄tiali in quacūq; parte firmamenti sit sol, est semper æquinoc̄tium. In sphaera autem decliui horizon obliquus diuidit solū æquinoc̄talem in duas partes æquales. Vnde quando Sol est in alterutro punctorum æquinoc̄tialium, tunc arcus diei æquatur arcui noctis. & est æquinoc̄tiū in uniuersa terra. Omnes uero alios circulos diuidit horizon obliquus in partes inæquales, ita q̄ in omnibus circulis qui sunt ab æquinoc̄tiali usq; ad tropicū

canceri, & in ipso tropico canceri, maior est arcus diei quam noctis. i. arcus super horizontem quam sub horizonte. Vnde in toto tempore quo sol mouetur à principio arietis per cancerum usq; in finem Virginis maioratur dies supra noctes, et tãto plus quanto magis accedit sol ad cancerum, & tanto minus quanto magis recedit, Econuerso autem se habet de diebus & noctib. dum sol est in signis australibus. In Omnibus enim alijs cir-



culis quos sol describit inter æquinoctialem, & tropicum capricorni, maior est circulus sub horizonte, et minor supra. Vnde arcus diei est minor, quam arcus noctis, & secundum proportionem arcuum, minorantur dies supra noctes, & quanto circuli sunt propinquiore tropico hiemali, tanto

magis minorantur dies. Vnde uidetur, quòd si sumantur duo circuli æquidistantes ab æquinoctiali ex diuersis partibus, quantus est arcus diei in uno, tantus est arcus noctis in reliquo.

Ex hoc sequi uidetur quòd si duo dies naturales sumantur in anno æqualiter remoti ab alterutro æquinoctiorum in oppositis partibus, quanta est dies artificialis unius, tanta est nox alterius, & econuerso. Sed hoc est quantum ad iulgi sensibilitatem in horizontis fixatione. Ratio enim per ademptionem solis contra firmamentum in obliquitate zodiaci uerius dijudicat.

Quanto etiam polus mundi magis eleuatur supra horizontem tanto maiores sunt dies æstatis, quando sol est in signis septentrionalibus. Sed econuerso, quando est in signis australibus, tanto enim magis minorantur dies supra noctes.

Notandum etiam quod sex signa, quæ sunt à principio Cancri per Libram usq; in finem Sagittarij, habent ascensiones suas in sphaera obliqua simul iunctas, maiores ascensionibus sex signorum, quæ sunt à principio Capricorni per Arietem usq; ad finem geminorum. Vnde illa sex signa prius dicta dicuntur recte oriri. Ista uero sex, oblique. Vnde carmen.

Recta meant, obliqua cadunt, a sydere Cancr.

Donec finitur Chiron, sed cætera signa.


Nascuntur prono descendunt et amite recto.

Et quādo est nobis maxima dies in æstate, s. sole existēte in principio cancri, tunc oriuntur de die sex signa directe orientia: de nocte aut sex oblique. Econuerso quando nobis est minimus dies in anno, s. sole existente in principio capricorni, tunc oriuntur de die sex signa oblique orientia, de nocte uero sex directe. Quādo

autem sol est in alterutro punctorum æquinocialium, tūc de die oriuntur tria signa directe orientia, & tria oblique, & de nocte similiter.

Est enim regula. quantum cunque breuis, uel proluxa sit dies uel nox, sex signa oriuntur de die, & sex de nocte, Nec propter prolixitatem, uel breuitatem diei, uel noctis, plura,


uel pauciora signa oriuntur. Ex his colligitur quod cum hora naturalis sit spacium temporis in quo medietas signi peroriatur, in qualibet die artificiali. Similiter & in nocte sunt 12. horæ naturales. In omniibus autem alijs circulis, qui sunt à latere æquinocialis, uel parte australi, uel septentriona-



li, maiorantur uel minorantur dies, uel noctes, secundum quod plura, uel pauciora de signis directe orientibus, uel oblique, de die, uel nocte oriuntur.


DE DIVERSITATE DIERVM ET noctium, quæ sit habitantibus sub æquinoctiali.

Notandum autem quòd illis quorum zenith est in æquinoctiali circulo. Sol bis in anno transit per zenith capitis eorum scilicet quando est in principio Arietis, uel in principio Libræ, & tunc sunt illis duo alta solstitia, quoniam Sol directe transit supra capita eorum. Sunt iterum illis duo ima solstitia, quādo Sol est in primis punctis Cancrī & Capricornī, et dicuntur ima, quia tunc Sol maxime remouetur à zenith capitis eorum. Vnde ex prædictis patet, cum semper habeant æquinoctium in anno, quatuor habebunt solstitia, duo alta, & duo ima. Patet etiam quod duas habent æstates, Sole. s. existente in alterutro punctorum æquinoctialium, uel prope: duas etiam habent hiemes, scilicet sole existente in primis punctis Cancrī et Capricornī, uel prope. Et hoc est quod dicit Alphraganus quod æstas, & hiems. s. nostræ sunt illius unius & eiusdem complexionis, quoniam duo tempora, quæ



sunt nobis æstas & hiems sunt illis duæ hiemes. Vnde illis, uersibus Lucani patet expositio. Deprensus est hunc esse locum quo circulus alti solsticij, medium signorum percutit orbē. Ibi enim appellat Lucanus circulum alti solsticij æquinoctialem in quo contingunt duo alta solstitia sub

æquinoctiali existentibus. Orbem signorum appellat zodiacum quem medium, idest mediatum, hoc est diuisum in duo media, æquinoctialis percutit. Idest diuidit. Illis etiam in anno contingit habeat quatuor umbras. Cum enim sol sit in alterutro punctorum æquinoctialium, tunc mane iacitur umbra eorum uersus occidentem, uespere uero econuerso. In meridie uero est illis umbra perpendicularis, cum sol sit supra caput eorum.



Cum autem Sol est in signis Septentionalibus, tunc iacitur umbra eorum uersus austrum. Quando est in australibus, tunc iacitur uersus Septentrionem.

Illis autem oriuntur & occidunt stelle, que sunt iuxta polos, sicut & quibusdam alijs habitantibus citra æquinoctialem. Unde Lucanus sic inquit,

Tunc furor extremos mouit Romanus horestas.

Carmenosq; duces, quorum iam flexus in austrum.

Aether, non totam mergit amen aspicit arcton.

Lucet & exigua uelox ibi nocte bootes.

Ergo mergitur & parum licet. Item Ouid. de eadem stella.

Tingitur oceano custos erymanthidos ursæ.

Aequoreasq; suo sideræ turbat aquas.

In situ autem nostro nunquam occidunt illæ stellæ. Vnde Virg.

Hic uertex nobis semper sublimis, at illum

Sub pedibus styx atra uidet, manesq; profundi.

Et Lucanus, Axis in occiduus gemina clarissimus arcto.

Item Virgilius in Georgicis sic inquit.

Arctos oceani metuentes æquore tingi.

DE ILLIS QVORVM ZENITH EST

inter æquinoctialem, & tropicum Cancrī.

Illis autem quorum zenith est inter æquinoctialem & tropicum Cancrī, contingit bis in anno quod Sol transit per zenith capitis eorum, q; sic patet, intelligatur circulus parallelus æquinoctiali transiens per zenith capitis eorum, ille circulus inter-



secabit zodiacum in duobus locis æquidistantibus à principio Cancrī. Sol igitur existēs in illis duobus punctis, transit per zenith capitis eorū. Vnde duas habent æstates, & duas hiemes, quatuor solsticia, et quatuor umbras sicut existētes sub æquinoctiali. Et in tali situ dicunt quidā Arabiam esse. Vnde Lucanus loquēs

de Arabibus uenientibus Romam in auxilium Pompeio dicit.

Ignotum uobis Arabes uenistis in orbem

Umbras mirati nemorum non ire sinistras.


Quoniam in partibus suis quandoq; erant illis umbre dextræ quandoq; sinistræ, quandoq; perpendiculares, quandoq; orienta-

les, quandoq; occidentales. Sed quando uenerant Romam citra tropicū Cancrī, tunc se nper habebāt umbras septentrionales.

DE ILLIS QVORVM ZENITH

est in tropico Cancrī.

Illis siquidem quorum zenith est in tropico Cancrī, contingit, quod semel in anno transit Sol per zenith capitis eorum, scilicet quando est in primo puncto Cancrī. & tunc in una hora diei unius totius anni, est illis umbra perpendicularis.



In tali situ dicitur esse Syene ciuitas. Vnde Lucanus. Umbras nusquam flectente Syene.

Hoc intellige in meridie unius diei, cuius umbra mane porrecta occidentalis, sero orientalis, & per residuum totius anni iacitur illis umbra Septentrionalis.

DE ILLIS QVORVM ZENITH EST

inter tropicum Cancrī, & circulum arcticum.

Illis uero quorum zenith est inter tropicum Cancrī, & circulum arcticum contingit quod sol in sempiternum non transit per zenith capitis eorum, & illis semper iacitur umbra uersus septentrionem. Talis est situs noster. Notandum etiam quod Aethiopia, uel aliqua pars eius est citra tropicum Cancrī.

Vnde Lucanus.

Aethiopumq; solum quod non premeretur ab ulla.

signiferi regione poli, ni polite lapso,
Vltima curuati procederet ungula tauri.

Dicunt enim quidam q̄ ibi sumitur signū æquiuoce pro duo
decima parte zodiaci, & pro forma animalis, quod secundum
maiorē partem sui est in signo quod denominat. Vnde Taurus
cum sit in zodiaco secundum maiorē sui partem, tamen extendit
pedem suum ultra tropicum Cancrī, & ita premit Aethiopi-
am, licet nulla pars zodiaci premeat eam. Si enim pes Tauri de
quo loquitur auctor extenderetur uersus æquinoctialem, ut es-
set in directo Arietis, uel alterius signi, tūc premeretur ab Arie-
te, uel Virgine, & alijs signis, quod patet p̄ circulum æquinoctia-
li parallelum circumductum per Zenith capitis ipsorum Aethio-
pum, & Arietem, & Virginem, uel alia signa. Sed cum ratio
physica huic contrarietur, non. n. ita essent denigrati, si in tempe-
rata nascerentur regione habitabili. Dicendum quod illa pars
Aethiopiæ, de qua loquitur Lucanus, est sub æquinoctiali circu-
lo, et quod pes Tauri de quo loquitur extenditur uersus æquino-
ctialem. Sed distinguitur tunc in signa cardinalia, & regiones.




Nam signa cardinalia dicuntur
duo signa in quibus contingunt
æquinoctia, Regiones autem ap-
pellantur signa intermedia. Et
secundum hoc patet quod cum Ae-
thiopia sit sub æquinoctiali, non
premitur ab aliqua regione, sed
à duobus signis tantum cardinali-
bus, scilicet Ariete & Libra.

De illis

DE ILLIS QVORVM ZENITH est in circulo arctico.

Illis autem quorum zenith est in circulo arctico, contingit in quolibet die & tēpore anni, quòd zenith capitis eorum est idem cum polo zodiaci, & tunc habent zodiacum siue eclipticam pro horizonte. Et hoc est quod dicit Alphraganus. Quòd ibi circulus zodiaci flectitur supra circulum hemisphærij. Sed cum firmamentum continue moueatur, circulus horizontis interfecabit zodiacum in instanti, & cū sint maximi circuli in sphaera interfecabunt se in partes æquales. Vnde statim medietas una zodiaci emergit supra horizontem, & reliqua deprimitur sub horizonte subito, & hoc est quod dicit Alphraganus, quòd ibi occidunt repente sex signa, & reliqua sex oriuntur cum toto æqui



noctiali. Cum autem ecliptica sit horizon illorum, erit tropicus Cancrī totus supra horizontem, & totus tropicus Capricorni sub horizonte & sic Sole existente in primo puncto Cancrī, erit illis una dies. 24. horarum, & quasi instans pro nocte, quia in instanti Sol transit horizontem & etiam statim emergit, & ille contactus est pro nocte. Econuerso continua

git illis sole existente in primo puncto Capricorni. Est enim iūc illis una nox. 24. horarum & quasi instans pro die.

DE ILLIS QVORVM ZENITH
est inter circulum arcticum, & polum mundi.

Illis autem quorum zenith est inter circulum arcticum & polum mundi arcticum, contingit quod horizon illorum intersecat zodiacum in duobus punctis æquidistantibus a principio Cācri.



& in reuolutione firmamenti contingit quod illa portio zodiaci intercepta semper relinquitur supra horizon-tem. Vnde patet, qđ quādiu Sol est in illa portione intercepta erit unus dies continuus sine nocte, ergo si illa portio fuerit ad quantitatem signi unius, erit ibi dies continuus unus mensis sine nocte, & si ad

quantitatem duorum signorum. erit duorum mensium, & ita deinceps. Item contingit eisdem quod portio zodiaci intercepta, ab illis duobus punctis æquidistantibus a principio Capricorni, semper relinquitur sub horizonte, unde cum sol est in illa portione intercepta, erit una nox sine die, breuis uel magna secundum quantitatem interceptæ portionis. Signa autem reliqua quæ eis oriuntur, & occidunt, præpostere oriuntur, & occidunt. Oriuntur præpostere, sicut Taurus ante Arietem. Aries ante Pisces, Pisces ante Aquarium, & tamen signa his opposita oriuntur recto ordine, & occidunt præpostere, ut Scorpius ante Libram, Libra ante Virginem, & tamen signa his opposita occidunt directe, illa scilicet quæ oriebantur præpostere ut Taurus.

DE ILLIS QUORVM ZENITH EST

in polo arctico.

Illis autem quorum zenith est in polo arctico, contingit quòd illorum horizon est idem quòd æquinoctialis. Vnde cum æquinoctialis interfecet zodiacum in duas partes æquales, sic & illorum horizon relinquit medietatem zodiaci supra, & reli-



quam infra. Vnde cum sol decurrit per illam medietatem, quæ est à principio Arietis usq; in finem Virginis, unus erit dies continuus sine nocte. Et cum sol decurrit in illa medietate, quæ est à principio Libræ u que in finem Piscium erit nox una continua sine die. Quare & una medietas totius anni

est una dies artificialis, & alia medietas est una nox. Vnde totus annus est ibi unus dies naturalis. Sed cum ibi nunquam magis 23. gradibus, Sol sub horizonte deprimatur, uidetur, quòd illis sit dies continuus siue nocte. Nā & nobis dies dicitur ante Solis ortum supra orizontem. Hoc autem est quantum ad uulgarem sensibilitatem. Non enim est dies artificialis quantum ad physicam rationem, nisi ab ortu solis usque ad Occasum eius sub horizonte. Ad hoc igitur quòd lux uidetur ibi esse perpetua, quoniam dies est antequam Sole eleuetur super terram per. 18. gradus, ut dicit Ptolemæus. Alij uero magistri dicunt. 30. scilicet per quantitatem unius signi. Dicendum, quòd ger est ibi nubilosus & spissus. Radius enim solaris ibi existens debilis uirtutis, magis de uaporibus eleuat, quàm possit

consumere, unde aerem non serenat, & non est dies.

DE DIVISIONE CLIMATVM.

Imaginetur autem quidam circulus in superficie terræ, directe suppositus æquinoctiali: iterum intelligatur alius circulus in superficie terræ, transiens per orientem & occidentem, et per polos mundi. Isti duo circuli intersecant se in duobus locis, ad angulos rectos sphaerales, & diuidunt totam terram in quatuor partes, quarum una est nostra habitabilis, illa scilicet quæ incipitur inter semicirculum ductum ab oriente in occidentem sub æquinoctiali, & semicirculum ductum ab oriente in occidentem per polum arcticum. Nec tamen illa quarta tota est habitabilis quoniam partes illius propinquæ æquinoctiali inhabitabiles sunt propter nimium calorem. Similiter partes eius propinquæ polo arctico, inhabitabiles sunt propter nimiam frigiditatem. Intelligatur ergo una linea æquidistans ab æquinoctiali, diuidens partes quartæ inhabitabiles propter calorem, à partibus habitabilibus, quæ sunt uersus septentrionem. Intelligitur etiā alia linea æquidistans à polo arctico, diuidens partes quartæ inhabitabiles quæ sunt uersus septentrionem propter frigus, à partibus habitabilibus, quæ sunt uersus æquinoctialem. Inter istas etiā duas lineas extremas, intelligantur sex lineæ parallelæ æquinoctiali, quæ cum duabus prioribus diuidunt partem totalem quartæ habitabilem in septem portiones, quæ dicuntur septem climata.

Dicitur autem clima tantum spatium terræ per quantum sensibilibiter uariatur horologium. Idem namque dies æstiuus aliquantulus, qui est in una regione: sensibilibiter est minor in regione propinquiore austro. Spatium igitur tantum, quanto incipit dies idem sensibilibiter uariari, dicitur clima. Nec est idem horologium cum principio & fine huius spatii obseruatum. Horæ enim diei sensibilibiter uariantur, quare & horologium.

Mediū igitur primi climatis est, ubi maxima diei prolixitas est. 13. horarū, & eleuatio poli mundi supra circulū hemisphæ-
rij, gradibus 16. & dicitur clima dia Meroës. Initiū eius est ubi
diei maioris prolixitas est. 12. horarum & dimidia, & quarta
unius horæ, & eleuatur polus supra horizontem gradibus. 12.
& dimidio, & quarta unius gradus. Et extenditur eius latitudo
usq; ad locum ubi longitudo prolixioris diei est. 13. horarū &
quartæ unius, & eleuatur polus supra horizontē gradibus. 20.
& dimidio, quod spaciū terræ est. 440. miliariorum.

Medium autem secundi climatis est, ubi maior dies est. 13.
horarum & dimidia, & eleuatio poli supra horizontem. 24.
grad. et quartæ partis unius gradus. Et dicitur clima dia Sye-
nes. Latitudo uero eius est ex termino primi climatis usque ad
locum ubi fit dies prolixior. 13. horarum et dimidia, et quarta
partis unius horæ. Et eleuatur polus. 27. gradibus & dimi-
dio: Et spaciū terræ est. 400. miliariorum.

Mediū tertij climatis est, ubi fit longitudo prolixioris diei. 14.
horarū, et eleuatio poli supra horizontē est. 30. graduum et dimi-
dij, & quartæ unius partis. Et dicitur clima dia Alexandrias. Latitu-
do eius est ex termino secundi climatis usq; ubi prolixior dies est.
14. horarū, & quartæ unius. Et altitudo poli. 33. graduum, &
duarū tertiarum, quod spaciū terræ est. 350. miliariorum.

Mediū quarti climatis est ubi maioris diei prolixitas est. 14.
horarū & dimidia, et poli altitudo. 36. graduum et duarū quin-
tarum. Et dicitur clima dia Rhodu. Latitudo uero eius est ex termino
tertij climatis, usq; ubi prolixitas maioris diei est. 14. horarū,
& dimidia, & quartæ partis unius. Eleuatio autem poli. 39.
graduum. Quod spaciū terræ est. 300. miliariorum.

Medium quinti climatis est, ubi maior dies est 15. horarum.
Et eleuatio poli. 41. gradus & tertie unius. Et dicitur clima

dia Romet. Latitudo uero eius est ex termino quarti climatis, usq; ubi prolixitas diei fit. 15. horarum & quartæ unius. Et eleuatio axis. 43. graduum, & dimidij, quod spaciū terræ est. 255. miliariorum.

1. Medium sexti climatis est, ubi prolixior dies est. 15. horarum & dimidiæ, & eleuatur polus supra horizontem. 15. gradib. & duabus quintis unius: Et dicitur clima dia Boristhenus. Latitudo uero eius est, ex termino quinti climatis, usq; ubi longitudo diei prolixior est. 15. horarum & dimidiæ, & quartæ unius. Et axis eleuatio. 47. graduum & quartæ unius, quæ distantia terræ est. 212. miliariorum.

Medium aut septimi climatis est, ubi maior prolixitas diei est. 16. horarū. Et eleuatio poli supra horizontē. 48. grad. & duarū tertiārū. Et dicitur clima dia Ripheon. Latitudo uero eius est ex termino sexti climatis, usq; ubi maxima dies est. 16. horarū et quarte unius. Et eleuatur polus mundi supra horizontē. 50. gradibus & dimidio. Quod spaciū terræ est. 185. miliariorum.

Utra autem huius septimi climatis terminum, licet plures sint insule, & hominum habitationes, quicquid tamen sit, quoniam praua est habitationis, sub climate non computatur: Omnis itaque inter terminum initialem climatum & finalem eorundē, diuersitas. est trium horarum & dimidiæ. Et ex eleuatione poli supra horizontem. 38. grad. Sic igitur patet uniuersiusque climatis latitudo, à principio ipsius uersus æquinoctialem usq; in finem eiusdem uersus polum arcticum, & quod primi climatis latitudo est maior latitudine secundi, & sic deinceps. Longitudo autem climatis potest appellari linea ducta ab oriente in occidentem æquidistans ab æquinoctiali. Vnde longitudo primi climatis, est maior longitudine secundi, & sic deinceps, & contingit propter angustiam sphaeræ.

Frigida zona.



Frigida zona.

CAPITVLVM QVARTVM DE
Circulis & motibus Planetarum, & de
causis eclipsium Solis & Lune.

Notandum quod Sol habet unicūm circulum, per quē mo-
uetur in superficie lineæ eclipticæ, & est eccentricus.
Eccentricus quidem circulus dicitur non omnis circulus, sed
solum talis, qui diuidens spheram in duas partes æquales, non
habet centrum suū cum centro terræ, sed extra. Punctus




autem in eccētrico, qui ma-
xime accedit ad firmamen-
tum, appellatur aux, quod
interpretatur eleuatio. Pun-
ctus uero oppositus, qui ma-
xime remotionis est a firma-
mento dicitur oppositū au-
gis. Solis autem ab occiden-
te in orientem duo sunt mo-
tus, quorū unus est ei pro-
prius in circulo suo eccētri-
co quo mouetur in omni die
de nocte. 60. minutis fere.
Alius uero tardior, est mo-
tus spheræ ipsius supra po-
los axis circuli signorū,
& est æqualis motui spheræ
stellarum fixarum. s. in
100. annis gradu uno. Ex
his itaque duobus motibus
colligitur cursus eius in cir-

eulo signorum ab occidente in orientem, per quem abscondit cir-
culum signorum in. 365 diebus, & quarta unius diei fere, præ-
ter rem modicam, quæ nullius est sensibilitatis. Quilibet autem
planeta tres habet circulos præter solem, scilicet æquantem,
deferentem, & epicyclum. Aequans quidem Lunæ, est circua-
lus concentricus cum terra, & est in superficie eclipticæ. Eius
uero deferens est circulus eccentricus, nec est in superficie



eclipticæ, immo una eius medietas declinat uersus septentrio-
nem, altera uersus austrum: Et intersecat deferens æquantem
in duobus locis. Et figura intersectionis appellatur draco,



quoriam lata est in medio, &
angustior uersus finē. Interse-
ctio igitur illa per quam moue-
tur Luna ab austro in aquilonem,
appellatur caput draconis.
Reliqua uero intersectio
per quam mouetur à septentrio

planetae sunt æquales, Et est sciendum quòd tam deferēs quàm æquans, Saturni, Iouis, Martis, Veneris, & Mercurij, sunt eccentrici, & extra superficiem eclipticæ, & tamen illi duo sunt in eadem superficie.

Quilibet etiam planeta præter Solem habet epicyclum.

Et est epicyclus circulus parvus per cuius circumferentiam deferitur corpus planetae, & centrum epicycli semper deferitur in circumferentia deferentis.

DE STATIONE, DIRECTIONE & retrogradatione.

Si igitur duæ lineæ ducantur à centro terræ, ita quòd includant epicyclū alicuius planetae, una ex parte oriētis, reliqua ex parte occidētis, punctus contactus ex parte oriētis, dicitur statio prima. punctus uero contactus ex parte occidentis, dicitur sta-




tio secunda, Et quando planeta est in alterutra illarum stationū, dicitur stationarius. Arcus uero epicycli superior inter duas stationes interceptus, dicitur directio, & quādo planeta est in illo, tūc dicitur directus. Arcus uero epicycli inferior inter duas stationes interceptus, dicitur retrogradatio, & planeta ibi existens dicitur retrogradus. Lunæ autē

non assignatur statio, directio, uel retrogradatio. Vnde non dicitur Luna stationaria, directa, uel retrograda, propter uelocitatem motus eius in epicyclo.

DE ECLIPSI LVNAE.

Cum autem Sol sit maior terra, necesse est quod medietas sphaerae terrae ad minus à sole semper illuminetur, & umbra terrae extensa in aere tornatilis, minuatur in rotunditate, donec deficiat in superficie circuli signorum inseparabilis à nadir solis. Est autem nadir Solis punctus directe oppositus Soli in firmamento.



Vnde cum in plenilunio Luna fuerit in capite, uel in cauda draconis sub nadir Solis, tunc terra interponetur Soli & Lunae, & contus umbrae terrae, cadet super corpus Lunae. Vnde cum Luna lumen non habeat nisi à Sole, in rei ueritate deficit à lumine. Et est eclipsis generalis in omni terrâ, si fuerit in capite, uel cauda draconis directe. Particularis uero eclipsis si fuerit prope, uel infra metas determinatas eclipsis. Et sema

que subsequitur. Cum autem Luna fuerit in capite, uel in cauda Draconis, uel prope metas supradictas, & in coniunctione cum sole, tunc corpus Lunæ interponetur inter aspectum nostrum & corpus solare. Vnde obumbrabit nobis claritatem Solis, & ita Sol patietur eclipsim, non quia deficiat lumine, sed deficit nobis, propter interpositionem Lunæ inter aspectum nostrum & Solem. Ex his patet quod non semper est eclipsis Solis in coniunctione, siue in nouilunio.




Notandum etiam quod quando est eclipsis Lunæ est eclipsis in omni terra, sed quando est eclipsis Solis nequaquam, immo in uno climate est eclipsis Solis, & in alio non, quod contingit propter diuersitatem aspectus in diuersis climatibus.

Vnde Virgilius elegantissime naturas utriusque, eclipsis sub cō
pendio tetigit dicens.

Defectus Lune varios, solisq; labores.



Ex prædictis patet quod cum eclipsis Solis esset in passione
Domini, et eadem passio esset in plenilunio illius eclipsis Solis.



EX PLINII XVIII. CAP. XXV. DE
Ortu & Occasu Siderum.

Exortus occasusq; binis modis intelliguntur, aut. n. aduentu
solis occultantur stellæ, & conspici desinunt, aut eiusdē abscessu
proferunt se in emersum. Hoc melius quam exortum consuetu
do dixisset, & illud occultationem potius quā occasum. Alio
modo quo die incipiunt apparere, uel desinunt oriente sole uel
occidente matutini uespertini ue cognominati, prout alterutris
eorum mane, uel crepusculo contingit.

FINIS.

PROPOSITIO XXII. EX LIBRO
TERTIO EPITOMAE IO.

De monte Regio in Almagestum
Ptolemæi.

DIES NATVRALES DVPLICI
causa inæquales esse.

Dies naturalis. dicitur tempus reuolutionis solis per motum primi mobilis ab horizonte, aut meridiano donec ad ipsum redeat. Sic quantum temporis est a puncto meridiani in punctum meridiani, tanta est dies naturalis. Et hoc est tempus in quo reuoluitur totus æquinoctialis, & ultra hoc tanta portio æquinoctialis, quanta respondent ei arcui eclipticæ, quem in illo tempore sol perambulat.

Hoc autem additamentum duabus de causis diuersificatur. Vna quidem quod sol in temporibus æqualibus inæquales arcus de orbe signorum abscindit. Alia quod arcus æquales eclipticæ, in æquales habent ascensiones tam rectas quam obliquas. Oportet igitur propter additamenta hæc duplici causa diuersificata dies naturales inæquales esse, quod est propositum. Ex hoc patet hos dies naturales, qui differentes dicuntur, non esse mensuram motum aliorum, cum inæquales sint, Oportuit igitur in mensuram huiusmodi alios dies qui æquales essent, assumi.

Hac ratione unus annus solis est tempus in quo totiens reuoluitur æquinoctialis quotiens est un t c

mediocris, scilicet reuolutio una æquinoctialis cum additamento. 59. minutorum, octo secundorum æquinoctialis, iuxta quantitatem medi motus solis in die. Hæc uero additamenta sunt inter se æqualia, hinc constat mediocres inter se esse æquales, Passim est igitur uides naturales differentes unum ab alio atque à mediocribus differre. Et licet unus dies differens parum à die una mediocri differat, et insensibiliter, in pluribus tamen diebus hæc diuersitas collecta, quantitatem de qua curandum est, efficit ut patebit infra.

F I N I S,

**Venetijs apud Franciscum Rampazetum. Expensis
Melchioris Sesse. Anno Domini.**

M. D. L I I I I.